

鷓巢懶稿刪

上

鷓巢懶稿刪

				和書門
			二六四三七	
		七四函	號	類
二	七	四	冊	架

323

庫文閣內			
			和書類
		二六四三七	號
	二	冊	
三〇六函	一四	架	

詩文二十三

內閣文庫		
番號	和	26437
冊數	2 (1)	
函號	206	323

206-323



蕉窓先生著

嘯窗書

鷓巢嬾稿刪

甲辰季冬

綠天居藏梓



鷓巢嬾稿刪敘

淺草文庫

自風雅變而騷騷而賦賦而歌行
雖體格屢變宗工括匠之所以光
神妙之思者未嘗不同也此豈詭
宮調按恠響而後稱工者之所能

58-805

知我友人。山地孟教。博取材于古。變化而神用之。自壯至老。其行藏。困舒。凡所遭際。感乎情而發乎言。者。雖不免今時體。其所運思者。皆持衆嫩。雕衆形。而不自以為巧。而

能使喜者怡怡乎。以舞焉。悲者潛潛乎。涕焉。而不已。若夫摸字肖句。以為詩者。孟教之所棄也。其吟筐所蘊藏者。已多矣。手抽為二卷。名曰鶴巢。懶稿。何自況之遜。必有說。


矣。君其問諸我孟教。

弘化紀元甲辰臘月五春前一日

綾瀨漁人梓識




半僂客書



後序

鷓鴣巢賴稿刑刻成。蕉窓翁示余曰。此詩三四百篇。雖多矣。驚人則猶未也。若鄭台鷓鴣雀玉鴛鴦。謝無逸胡蝶袁凱白。蕤以一詩被禰於世。則我能事足。猶鷓鴣巢於深林。不過一枝矣。蓋門人無不

承其意然以三四百篇之多壽諸梓者
使言之於天下而質評品於具眼則一
詩之禰亦在其中矣人心之古評品之
當所以為不朽之徵也
甲辰季冬 熊澤翁山老人 滕忠成



鷓巢懶稿刪卷之一

江戸 山地正誠孟教 著

平野無壽稚松 同校

門人 辻川辰周子德

備西仁科禮宗齋靈芝生於石上者來祝我
鵬齋先生七十弧辰遂需我輩之詩因作五

言八句

造化蒸成後一拳三兩枝雲根含秀氣仙種挺奇
姿堅確并遭領延年共不移商山千古想高操屬



阿誰

春日書懷

東風風裏最關情，非道不鳴，吾不鳴，喚友鶯辰春。
 百轉和花蝶，夢晝三更陸沈，身笑貧無恙，擣散才。
 慚業未成亦已焉，我天所賦，雕蟲非世腐儒生。
 舌耕計拙亦因緣，春意猶期學圃年，肥瘠便諳秧。
 藥地陰晴不定，釀花天紙，爲跋扈輕風，裡野馬縱。
 橫妍日邊燕語呢喃，人側耳，嘿然只伴柳三眠。
 吟夢如何一字無，池塘昨夜草攪綸花時，皆抱烟。

霞癖靜處誰容，風月軀散步，探春雙不借，枯腸買。
 醉小胡盧可曾，樹德丹田地，桃李無言，蹊不孤。

遊仙

鳥海松亭課題

驂鸞駕鳳拂雲烟，妙舞妖歌，鼓與弦，紫閣春風三。
 日宴人間，甲子一千年。

夏日雜吟

六月清風直萬錢，茅檐住在竹林邊，閑身不受人。
 間熱，只就幽窓貪午眠。
 只就幽窓貪午眠，香風吹夢却難圓，強將微倦曹。

騰眼看取園池數朶蓮
看取園池數朶蓮
濃紅淡白各清妍
花間手剪亭
亭翠欲對炎威試酒權
欲對炎威試酒權
壺中元是聖兼賢
水軒纔認微涼動
新月彎彎漾細連

放言

塵勞只厭百年期
儘把生涯迷路歧
人爵痴頑三品石
世營伸縮六藏龜
無增無減要隨分
因是因非休寄思
湖海風波縱可惡
虛舟飄颺與流移

書是良田識字農
廢耕三日愧踈慵
養鷄何復談玄理
種橘誰能擬素封
慾使一般歸食色
智驅萬事惱心胷
朝聞夕死亦猶可
默契須知道味濃
智慮千般却入姦
應於方寸閉機關
刀頭絕技牛煩惱
驥尾功名蠅黠頑
得失乘除交臂裏
行藏判斷折腰間
如之何者只真樂
無樂是真心自閑
生事不隨時俗謀
朱愚隨分只浮游
三千世界天開闔
九萬里程鵬去留
曾有曲肱閑處樂
豈無潤屋利場憂
一貧一富人間累
若到兩忘休復休

秋夕

殘暑渾遭驟雨驅，踈慵難着睡工夫。歸雲分霽月，
窺席晚樹啣秋涼。健軀籬下試聲新，蟋蟀簷端寄
跡老。蜘蛛刺儲幽思，蕭條裏起剪青燈，坐撚鬚。

題畫

欲渡潺湲去，山烟四面消。團團今夜月，相送照溪
橋。

答人

說經多杜撰，於酒得師傅。三斗纔呼快，鵬門一醉

顛

春曉山行

謝屐輕風曉，春山忘路迂。花明殘月暗，香霧濕吟

鬚。

邨居書喜

二頃田園負郭居，官租課罷讀農書。奚奴旦暮謀
盤飮，畦摘秋蔬溪釣魚。

秋稼十分皆報喜，脚痕不敢趨朝市。明時無遇問
津人，身落耦耕心若水。

竹

屏絕繁華細細香
虛心刺受幾平章
七賢去後猶瀟灑
林下清風無盡藏

次韻高橋大瘦苦寒作

霜風恣長夜
龜手嬾回肱
衾鐵肌生粟
毛錐硯碎冰
聲寒移宿雁
焰暗結花燈
坐撥爐灰冷
香烟亦不升

春水

輕風千萬頃
冰泮漾晴灘
潑潑魚知暖
溶溶波不

寒繫船
槁脚短
結網岸
容寬
何日浮花片
源頭春欲闌

早春幽思分韻

環堵纔容膝
年光未覺新
髻毛縮
臘雪詩骨仰
晴晨隣笛梅千點
繁窓月一輪
杜門應絕飲
醉後欲逢春

夜起

酒渴和殘熱
夢回還出扉
井華消宿醉
露氣濕宵衣
月逐鐘聲落
螢欺星彩飛
任他人定後
秋意尚

依稀

晨興散步

卯酒意陶然，閑園與屐便。鴉聲燈滅外，人夢月傾邊。紅重薔薇露，綠深槐蔭烟。輕衫宜散策，殘曙夏

初天

飛鳥山看花

山名飛鳥，付鶯簧多少。官櫻併艷，陽雨露恩深。碑下片百年遺蹟，與花香。

瓶梅

領取前庭花信通，膽瓶水足玉為叢。愛無差等枝，南北冷淡涵春清淺中。

郭熙設色牡丹畫

濱子友所藏

紅紅白白幾奇葩，滿幅國香風不遮。何用胭脂辨生色，郭熙妙手筆頭花。

山居分韻

十居

雙岳為門何鎖扃，扁朝昏嵐氣自冥冥。不將真性結塵夢，夢繞松根探伏苓。

獨立分韻

園荒不見一人來，至後幽情只向梅。殘日三竿宜獨立，寒山映出雪崔嵬。

莫春同澤醉石遊近邨

烏巾輕受麥苗風，晴綠滿畦春欲空。爾擔吟囊吾竹杖，意行直過野村東。

江邨春老弄晴柔，已到歸鴉立岸隈。一路水風人不見，海紅花落夕陽收。

題莊周蝶夢圖 四言

漆園物化蝶夢一場無迹，之迹花落風香。

墨蘭

君子為佩無雙國，香花神如在夢亦有祥。

賀北越小出孝卿五十誕辰

身健忘機即是仙，邨如太古仰堯天。樂山之壽居仁者，鼓腹而遊知命年。消受耕餘閑日月，結成官外舊因緣。人間無用靈椿贅，老圃家風任自然。

初冬善身堂小集

仰待所裁狂簡心，家風高尚各披襟。真蘭同學性相近，澹水交情朋盍簪。彭澤菊存霜運色，子猷竹

單野莊陰善身豈是因名利文史三冬一日吟

閑居分韻

善身堂
席上

室如懸磬任人嗤兀坐捲簾冬霽時心自閑中常
慣嬾身於幽處不留思霜風侵曉芭蕉瘦雲氣送
寒鴻雁悲陶逕就荒猶藉在庭松獨占後凋姿

十月菊分韻

善身堂
席上

莫道秋香一夜衰更看十月立東籬人間晚節多
相似薰徹淒風霜後姿

雪中種竹

煥乎堂
小集

蓑袂直從寒裡披半庭鋤雪竹離離藍田玉屑和
泥碎渭畝琅玕傍迤移更受深青開醉眼不嫵積
素上吟髭淒風偶觸玲瓏去珊有幽聲在數枝

鴻臺懷古

曾誤人和韜略中鴻臺鴻渡使臺空影沈聲讓鐘
湫水花落名香櫻陣風殘壘烟光籠宿昔長江地
勢想英雄星移殺氣渾消滅簷馬徒鳴古梵宮

卜居即事

卜築纔完小小家家無儋石思無邪經營又費寸

園裡沽酒餘錢儘買花

春日書事分韻

庭院春深燕補巢輕風吹拂海棠梢微吟弄筆難

磨墨一片飛花落硯坳

春山採藥每句用藥名

獨木通流槁不完鵝黃連聲柳邊山相逢春牧牽

牛子採藥當歸日脚閑

醉鄉

習飲成天性偷閑覓醉方前緣若相問鼻祖是高

陽

百篇白也詩一斗酒為資習飲詩難習古今分醉

思

幾回澆磊塊鯨飲向人驕醉死勝醒死乾坤付一

瓢

雅飲要知趣醺醺竹葉春莫耽千日醉墓樹欲輪

困

世事吾迂濶朝昏與酒親樗材良匹棄恰似醉狂

身

微醉過三酌陶陶雅趣存不曾為酒困常仰宜尼
 言事尋常且斷腹冷與西風料長身
 芳樽使眼青不管君子收縱死醉何辭猶嫌醒者
 哭不覺淚下汝難難計著春莫取十日猶堪
 人間瞑目後成佛最難期極樂無量酒生前不可
 辭酒美蘇東坡詩集卷一
 經大和田邨抵木下川途中作
 一聲彷彿午時鷄生路儘逢歧路迷褥食忽忽飢
 太甚人家猶隔幾山溪

佐倉驛午憩

西風陌上竹筇頭亭午炊烟颺驛樓遊子情懷千
 里雁授衣時序滿城秋蔦荔採露紅圍堞松柏臨
 流綠漲溝一擔詩囊無所寄歸程心緒就中抽
 常州道中
 平沙路軟没人蹤多少風林總是松秋靄偶晴邱
 壑外青螺突出筑波峰

渡霞浦

一條邨路倚江通破卵貪程倩短篷曉色蘸紅霞

浦水秋山碎，綠筑波風三分。旅况蒲帆外，多日愁腸。漁笛中客跡，與舟同不繫。潮洄隔斷岸，西東

九月九日江戶崎邸高橋東里宅話舊

寂寥秋氣我先承，又是重陽露欲凝。佳節多年金菊酒，道心一片玉壺冰。尋盟詩社同圍坐，話舊書檠屢剪燈。肝膽相傾過夜半，悲歡聚散作生憎。

客中待晴

跋涉江山三月來，休言遊脚總無裁。連朝漠漠羈亭雨，雲與客愁俱不開。

九月十三日池守秋水宅嘗有文字飲之約

與其約者乃綾瀨先生高橋大瘦及余也余遊歷愆歸期猶在常州故綴其華旆於句中

遙有此寄

蕉窓風攬客中情，詩骨無端太瘦生。遙憶今宵綾瀨月，一川秋水浸秋晴。

常州江戶崎瑞祥禪院席上呈瑛州禪師

峭嶢江上寺占霽，試躋攀如意笑談裡。無量杯酒間捲簾，唯野水隱几即秋山。所謂浮生客偷君半

日閑

自常州抵總州途中作

行邁重行邁，一村又一村。隔江分國土，問路辨方言。秋色摧殘草，晴烟垂古原。雁聲多日恨，耳冷却消魂。

薄井邨小占

歸歎心計外，雨意濕雲根。山近秋方冷，松重晝亦昏。麥苗生菜甲，蟲語減霜痕。驛路人千里，曾經第幾邨。

客中書所見

已驚日月不休休，屈指淒風忽始裘。那處深林猶刮眼，留些紅葉馮殘秋。

吉原之妓樓，罹災寓居於角田川之西岸。遊冶繁華之氣象，猶成來海之變焉。聊舟中錄

所見

櫛比家為玉女家，舟行不總舊漁磯。粧樓一滴胭脂水，付與東流香濕衣。

連甍高聳枕江濱，窈窕映流紅。茜裙半捲湘簾媯。

有態鬢雲舊是巫山雲
石塔疊疊水西邊深闕古祠歡喜天紅袖燒香何
所禱多情應禱好因緣

輕舟漾蕩晚潮波鏡樣澄江照翠娥隔岸紅羅招
熟客絃聲齊唱竹枝歌

遊闕屋里松下煎茶

茶床擇地二三弓活水親調活火紅松樹林頭宜
露坐沸聲相和翠濤風

古松高影滿床雲石鼎薪收松子焚聲帶幽清茶

已熟烏甌一啜坐斜曛

達摩面壁圖

九年為面壁三界付微塵說破無功德神通隻履
身

林暎日本橋

一架通南北御溝灑末流繁華人似湧魚市競槁
頭

初夏雨後

清和今幾許卷雨放晴光境靜聞殘滴眠醒坐夕

陽鳩聲猶穀穀蕉葉更蒼蒼已洗他春恨薰風掃
晚床

寄 遙聞上州松陰詞宗尚齒會作五言八句以

杖朝無杖國齒德自相同松讓千年操酒呈百藥
功文英仙欲愧雅集世攸崇各占春秋富爽吟花
月中

題蝸牛室

應仙臺某
上人需

蝸牛亦占太平祥鼓裡乾坤誰主張蠻觸不侵方

丈地老禪安置散花場

夏夜分韻

涼風如水掃炎蒸月影遙擎夏夜冰坐久何堪煩
惱障蚊雷聲落半窓燈

秋雨小占

牽牛淡碧拒霜紅秋色平分箇箇叢生怕今番三
日雨洗除花粉欲歸空

秋池分韻

瘦盡芙蓉風疊瀾池塘一面葉聲乾紅淒綠怨無

由訴剩看鷗邊秋水寬

寒夜泊湖上分韻

蓬底眠醒寒意濃，波濤聲戰岸頭松。中流漁火霜天月，想像楓檣半夜鐘。

春行寄興分韻

邨路春風拂袂輕，杏花復照杖頭兄。醉顏俯仰遲遲日，猶被遊絲拘引行。

夏夜泛舟

江湖身世尚浮航，一棹薰風半夜涼。偶逐清歌移

內浦相逢月下采蓮娘

治圃雜書分韻

一犁春雨土膏融，手縛花欄小圃中。不待新晴方料理，杏桃以外牡丹叢。

感秋

西風獵獵總荒涼，感慨無端欲斷腸。蒲柳易凋人易老，鬢絲重結九秋霜。

小園春日

淡淡春陰蝶舞低，前園多日暖烟迷。即今成就栽

花癡兩袖香沾十指泥

讀書飲酒圖

聖賢遺教幾書篇酒亦聖賢清濁傳一讀一斟今古醉人間一日莫相捐

雪竹雙鳩圖

困頓翼寒風雪天繽紛封綠却清妍一雙穀穀鳩夫婦銀竹梢頭相對眠

春日小占

舊來好事杖頭錢不似遊蹄頗著鞭昨雨半庭雷

起蟄曉風一枕蝶醒眠春後野草先呈色暖入松林暗帶烟破嫩始知蕭散意幽禽偷眼掠閑邊

暮秋晚眺

儘有吟情謾欲狂直留眼力愛秋光鷗邊波定牽眠穩雁外風高覓宿忙兩岸潮來搗脚短滿林葉落塔尖長算天一段饒佳趣袖手凭欄送夕陽

雪中晚歸

杖頭風雪捲銀沙直踏銀沙伴宿鴉歸路已牽無影月高林更著不香花嬋妍射眼寒光合綽約襲

衣凝色加埋没人踪迷野渡頼逢燈火認邨家
 鷗汀粧點玉鱗休道桐江迹已陳水北水南誰
 看取孤高不讓釣臺春
 茅舍梅
 歲晚芳盟曾不寒茅簷暖意付枝端朱門挑杏皆
 凡俗獨背繁華白眼看

僧舍梅

維摩榻畔試春粧粉面芳心窈窕娘冷淡渾無分

別相主張丈室散花場

書窓梅

密密踈踈窓外橫花神剎受好文名香風一陣書
 千卷薰徹聖靈無盡情

遇雨分韻

多陰偶值一分晴松樹林頭尋菌行遠岫歸雲收
 不得復為算雨送秋聲

算春送仙臺高橋太瘦遊相州繪島

一片春心亂似絲客中為客逐芳菲苔龕古廟東

風夕莫折野花香，衣。

詠燕

社雨初晴春已中，烏衣輕颺一簾風。
海棠庭院花狼藉，滿口新泥半是紅。

墨水看花

十里長堤正淡晴，兩行屏立滿開櫻。
撩人花色霞為暈，拂袖條風蝶寄情。
酒德不孤壺裡聖，錢神如在杖頭兄。
漫遊身落芳春海，到底結成梅後盟。

秋懷

蟋蟀逼牀秋色寒，家無四壁怯衣單。
敗荷池上風聲急，嫩菊叢中露氣溥。
繫馬雖無千駟富，巢鷦猶有一枝安。
勝流誰寄鱸魚膾，麤糲十年慚素餐。

栗熟

曾登蔓豆薦賓筵，收拾盈筐九月天。
罽刺秋深菜自裂，瓊肌霜落實全圓。
修成女贄名尤古，養得狙心術尚傳。
若要封侯千戶富，山園栽植即司權。

曾點浴沂圖

曾因侍坐發天機，沐德餘情已浴沂。
冠者在，前童

子後舞雩風軟暮春衣
宜尼教裡最供親
千里曾輕負采身
風木不停他
日淚難將菽水換花茵

子路負米圖

曾不孟母斷機圖
三遷辛苦卜鄰中
自若猶同鄉學童
機上織因文
教斷七篇成業一刀功

陸羽煎茶圖

茶烟縷縷一爐風
穀雨春煎活火紅
蟹眼已浮魚

眼沒先生得意在其中

陶淵明歸去來圖

折腰不耐混塵埃
直向田園歸去來
松菊猶存先
慰藉侯門稚子笑相開

脫然曾拭滿顏埃
身世息交歸去來
絕境桃源遙

寄想筆端春暖有花開

心無一點受纖埃
三徑就荒歸去來
日日涉園扶

老策遊眸不向石頭開

夏日遊仙子樓

樓在不忍池側

何處尋涼好好登仙子樓已消塵世熱先領水風
 秋堤柳陰偏合渚蓮香暗浮尋涼何處好涼在綠
 池頭
 何處尋涼好好登仙子樓觀蓮追舊約待月勝新
 秋濯熱無如水忘機不讓鷗尋涼何處好涼在綠
 池頭
 何處尋涼好好登仙子樓橋風蘋末起林靄几前
 收料理瀛溪愛留連河朔遊尋涼何處好涼在綠
 池頭

小春閑咏

小春元自好晴色復消寒橙熟霜千顆竹鳴風數
 竿曉池冰未結午逐鳥頻搏已課閑遊後南檐晒
 背安

畫竹

渭川千畝綠舊是在胃中筆力湖州泓寫成瀟灑
 風

春夜喜雨

三更輕暖雨簷滴有無中明日花宜種卧思土脉

融

月夜觀梅

尋思林下夢午夜弄春光冷淡花敷影朦朧月帶香

有感

紅顏復欲誇開鏡容光照不是昔時吾何翁相對笑

暮春

輕衫已試浴沂天光景無旬逐霽妍花自流鶯聲

裡老春隨睡蝶夢中遷昨遊今日為陳迹殘醉片時猶舊顛遮莫意行饒謾興紅吟綠賦未成篇

賀道龍老僧首於下總州總寧寺

多年雲水飽風霜遍叩叢林看福昌芥子中間歸不二須彌境界說無量散花占坐新居士微笑傳燈古佛場夜閣磬聲開貝葉真如心月冷增光

冬晴日得閑遊

占晴寒雀浴平沙杖底草枯幽意加古木護祠枝已秃斷碑為堠路分叉一陽還結臘前凍六出猶

慳至後花肯向人間評世事欲將汗漫送生涯

曉行遇霧竹所燈社課題

曉氣濃濃天未披方籠雨意濕尤滋衣寒殘月朦

朧影眼變遙巒彷彿姿青處鳥啼知竹藪白邊水

響認江陂經行仔細難分別恰似夢中探勝時

閑居三秋吟波響課題

今日涼從昨日加倦眠醒後喚煎茶清閑却有清

忙在培種秋香卉卉花

素餐飽外復何加梧井秋澄水適茶記取望前餘

兩日水犀梢上八分花

一雨一晴清冷如吟餘管領酒兼茶牽牛憔悴東

籬下又有秋光上菊花

野望

行了秋畦千畝間高原開豁晚鴉還斜陽一點無

纖翳現出霜紅落後山

杉田村觀梅

尋梅舊癖更難痊行過山隈又水邊一箇詩囊三

尺杖追香取路到杉田

奇標冷淡自為鄉，占斷春風第一場。身在花間曾
不覺，却驚歸路滿衣香。山間又水邊，一箇詩書二

晚歸分韻

醉脚踟躕不自由，纔過竹筵到津頭。舵工容易休
遲滯，落日蒼蒼已欲收。歸路無聲五柝初，下橋無

江隱

十里長流一畝廬，從來紙落寄江湖。濯纓濯足皆
塵累，心事羣舟無用，軀骨所為茶棹半湖東。
山日秋陰，水涵空。孤舟野渡晚風涼。秋意滿，

頑陰三日懶，凭欄秋事闌。珊衣怯單雲自東，郊垂
密密迷濛，不雨雁聲寒。

煮菜

七種曾供人日，盤春畦雨後露溥溥。帶花重刷蒙
茸，綠畢竟酒腸謀晚餐。

樵父

脚下溪聲面上山，崎嶇樵迳慣躋攀。錯薪一束如
相問，人世暖烟擔得還。

冬曉

宿火灰深油盡缸寒鴉報曉不成雙卧看枕畔明
於例殘月半窓霜半窓

嘲丁牛都而山山孤野助五則微無說滿一求以

收笛聲中眠不安隴雲籠暖雨痕乾花蹄若印春

園去便是當年黑牡丹

十蘇暮春八日遊法華雨外觀古真景出重圍

遲遲清晝永立盡翠紅邊風亂庭前絮花浮雨後

泉賞心雖可惜光景忽相遷苦數三春暮生憎屬

杜鵑二日解我歸池事開眼文林翠鳥自東飛

追晴纔出郭扶杖意融融春色耕牛外杏花邨酒
中秧針縫淺水蛙鼓奏暄風遲日沈山頂隔畦翁
喚童

月下閑意

中庭曾可月數影白於鹽巖桂香初遍砌蛩聲漸
尖夜深還背燭秋爽不垂簾眼界天澄徹清幽分
外添

杏花

清晨凝露浥芳叢酥面纔勻絳蠟融繡口和花千

古語孔壇今日幾春風

李花

已從含暖綴繁英到底玲瓏蹊自成漠漠梨雲渾
大色曠珠萬斛壓枝清
中風桃花
芳意夭夭濃且豐武陵夢破笑春風時情不說源
頭事霞色薰蒸斜照中

薔薇花

長條搖曳走青虬滿架胭脂表裏稠何事天工裁

錦繡縫餘鍼刺不曾收

木筆花

書空咄咄挺奇葩紫穎開苞色更加爭判苦吟春
困夢花生筆否筆生花

楊花

三眠醒後弄輕柔散作芳塵滾作毬一段悠揚禁
不得舞容愛惜舊風流

櫻花

輕盈淡白擅春場已到滿開雲帶香俗李凡桃應

北面本邦喚做百花王

胡蝶花

冷蕊分張栩栩春香痕無數粉光勻花神不待莊
周夢長托東風物化真

紫藤花

司花何日濯倉浪簾簌紫纓三尺長首夏殘春延
蔓去在他樹上結幽芳

杜鵑花

低叢紅裏認啼痕鵑淚何時滴小園他日若逢殷

七七重陽風露冷芳魂

木槿花

與露爭榮亦一時朝開幕落斬新枝花容比豔同
車女共入國風微婉詩

牽牛花

謾延狂蔓綴踈籬爛熳秋光曉有期花底露珠千
萬斛滴餘萬斛碧琉璃

秋海棠

佳人清淚灑為紅粧點花容付化工猶看舊時愁

蘇東坡詩集卷一

絕樣低頭無力倚秋風

芭蕉

數尺芳心抽刺天春雷已動色初全從今無用人
間紙書破深青一葉箋

松

雨罩翠烟晴帶風鱗條爪葉聳蒼穹人間準擬棟
梁用夢裏呈祥十八公

春遊阻雨

侵曉雨無情春遊奈舊盟背花千點恨傳枕四擔

聲

庭鶴

清暖幽庭曉夢回梳雪衣滄洲千萬里不肯倚雲

飛

雪行

披雪一蓑輕清寒袖手行繽紛迷渡口水黑岸鮮

明

春晴

輕暖輕寒作艷陽一番晴色遍林塘渾無雪片留

蘇東坡詩集卷一

二十七

鯉魚集 卷一
殘白已有柳芽含暗黃春思濃濃誰管領清遊款
款各分張落霞明媚天將夕頻向東風鶯弄簧

夏意

雨歇清和已可入園林最有品題新草名半夏抽
初夏花喚長春背暮春臺笠團團遮日影麻衣閃
閃受風身昨非今是知難辨饒舌違時鶯費唇

治圃

自嘲學圃辨來麻樹藝追時有等差肥瘠分根諸
葛菜縱橫延蔓邵平瓜黃梅雨外犁痕濕綠蔭風

前涼影加因熱不曾開詔笑夏睡只覺苦生涯

墨竹六言

瀟灑風前氣味扶踈月下幽情清殺人醫了俗相
看青眼初明

幽姿靄靄敷蔭高節亭亭作叢想像瀟湘翠雨平
章渭畝清風

初春即事

雙鬢千梳雪艷陽鏡外天晴霞山一髮輕暖柳三
眠未訪探春友纔儲買醉錢凍餘分土脉運草欲

半半

季秋江邨
江邨秋色老習釣度漁梁蘆岸連畦白菊籬臨水
黃魚鰕多入市禾黍總登場欲納今年稅農家相
競忙

寒夜書懷

半夜眠猶未據梧寒坐中燈明心却暗世盛道曾
通破屋霜生白凍林爐滅紅二冬文史業禱散奈
無功

簾內美人

粉光相映不分明
嫵娜隔簾猶覺清
搖曳風前羅
襪閃
猫兒戲去墮簪聲

月下美人

天開月鏡照粧樓
鬢髮收雲嫵似羞
二八冶容三
五影
嬋娟一様媚
清秋

美人倦繡

永晝含嫵微倦
初繡工夫入
睡工夫停針
春後猶
遊目
追蝶
猫兒戲
鼠姑

美人睡起

香風孤枕夢難圓，生怕睡中心緒纏。起坐抱琴花
有恨，偷聲欲奏想夫憐。

美人放紙鸞

嬌羞偷眼弄風箏，一縷卷舒霞外輕。素手纖纖春
萬丈，凌波姿引步虛情。

幽居初夏雨霽二首

衡門之下可棲遲，淺夏勝春新綠時。滿壁雨痕分
夕照，半池萍色漲涼颺。若崩厥角蠻無觸，或躍在

淵公又私竹簟蒲床旋作地身同蟬蛻占幽期

雨後新林綠似烟，薰風掃却半陰天。籜龍勢送泥
鬆處，射豹聲高雲斷邊。眼底笑談千卷帙，拍頭山
水七條絃。習閑慣，懶消長夏白晝昏昏儘博眠。

秋雨

苦雨瀟瀟簷滴中，蒲床添冷北窗風。木犀花濕薰
苔砌，竈馬聲衰咽露叢。打疊閑愁為醉地，安排清
爽訴詩窮。秋光何日期新霽，山迳停車坐看楓。

春江漁父

晚江千頃浸陽和，獨向前灘披釣蓑。鷗鷺慣看飛不去，篙頭春漲落花波。

桂花

月圃何年分一根，人間秋色返香魂。滿枝金屑依然亂，猶認吳剛斧鑿痕。

庭春

水里

占春何處所，庭砌氣盈盈。池庭冰初泮，魚跳水有聲。

占春何處所，庭砌試閑行。點檢花消息，條風拂面

清

清

題賣梅翁圖

應波響大夫之需

節是輕寒輕暖天，梅花千點占清妍。山翁欲賣羅浮夢，月下精神擔在肩。

東叡山看花

吉祥閣畔鎖群芳，雲樣模糊風有香。白社紅盟吟賞足，春深三十六僧房。

春日遊錦菴得鳥字

菴在王子邸西原

西原芳景知多少，柳綠花紅霞作表。錦樣織春誰

羊張一梭拋擲綿蠻鳥

瓶中雜花

三枝五朶白無紅不問山林花信風種種清香都
滿坐世間春在一瓶中

山中初夏

千仞振衣前後峯晴嵐夏淺冷於冬竹根聊逞牛
刀用四月山中屠籜龍

夏日

灌園抱甕與閑謀贏得清涼第一籌千萬輕輕編

竹抄更扶狂蔓養牽牛

竹窓分韻

小窓開闔細香翻滿坐清風疊綠痕一夜輕雷春
後雨莓苔砌畔迸龍孫

食青梅

顥顥雨肥金彈丸盤中磊落齒先寒謾將酸味相
評品熟與人間世味酸

舟中遇雨

不知江上火雲頽短艇隨流未敢回岸岸嫩蘆涼

已滴風聲乍帶雨聲來

邨夜分韻

夜色清涼秋滿邨
紗窗燈影受風昏
草萊露冷人蹤少
四面蟲聲月一痕

江千秋老圖

釣徒歸去夕陽中
落水汀邊繫短篷
水秀晴江秋却老
豆花雨後鯉魚風

答友人見贈

夙忘名利與朝簪
濟世廟謀非我任
秋月春花皆

有契青山綠水是知音
不論塵俗千盤事
畢竟酒詩三昧心
請爾休言舊時調
狂顛踈嬾逐年深

春雨晚晴

自從眼界拭迷濛
輕暖相傳淡淡風
斷却雨聲收滴瀝
平分霞色接殘虹
蝶鬚尚帶花心濕
燕嘴先諳土脉融
最有春晴明媚處
杏桃粧點夕陽紅

春寺

一抹烟霞護化城
木魚敲暖響新晴
香風消滅春因果
花底不教煩惱生

早夏

連日陰晴芳事收南薰解脫木綿裘幽篁不待他
雷雨已放龍孫出一頭

仍舊猶窺春後園杜鵑啼血幾朝昏吟愁欲向低
叢馬雲外紅聲花有痕

午睡

閑時兀坐倦時眠書卷渾拋午枕邊莫謂先生疎
嬾甚五經笥是腹便便

睡起

睡起

南柯郡主被曾迎忽賜歸休心緒驚佩玉鏘鏘猶
在耳初知箬鐸觸風聲

耕分韻

曾逞秋成已滌場耕牛嚼草卧斜陽淒風十月為
何事老婦頻春屑麦香

冬晴日得閑遊

輕屐穿霜晴色分磬聲遙隔野塘聞草枯蕭寺無
人到閑讀斷碑評古文

雪中謾興

雪中謾興

窓外霏霏雪，白凝封碧紗。前庭寒最重，松折迸銀沙。
 天邊瑞木花，開遍應明潔。昨夜帶寒風，散成入世雪。
 遊梅莊歌隱
 南北枝枝春斗芬，遍開冷艷淡於雲。去來遊屐輕風裏，一種清香萬客聞。

春陰
 妒花天氣惱春心，一日纔晴十日陰。社燕參差簷

內外端溪硯，濕暮雲沈。

吉原看花

原十首
錄三

妓亭三月競繁華，各捲湘簾酌晚霞。相看一般春爛熳，無情花對有情花。
 紅情綠意亂於雲，多少批爇輕薄人。卜夜刺開花下宴，一場絲竹別成春。
 舊是烟花第一叢，粉光不讓笑東風。多情須斷留連念，畢竟青春利市紅。

古戰場

七里平蕪三里田城南郭北不曾全魚鱗鶴翼英雄
夢虎踞龍蟠基業年殺氣刺添爭食鳥陳氛猶
結燎原烟昔時興廢湏臾事麥秀黍離誰作篇

初夏即目

春梢首夏小園東魏紫奪朱花一叢槐砌色添新
雨後竹籬影簷夕陽中蛙聲閣閣供歌吹蚊陣營
營遇火攻滿地南薰能解愠更披雙袖倚簾櫳
摩挲倦眼半窓邊遮莫春痕綠罩天水底摸成科
斗篆樹陰解脫散花禪爐灰猶濕黃梅雨簷滴不

消蒼木烟硯北抽身吾笑我書床守黑日如年

西國槁晚眺

一架虹橋簷落暉東西通國望依依租船向晚相
連接祿米浦邊開水扉

新闢小園

意匠結成山水緣十弓園樹半池蓮女媧鍊石知
迂遠直種芭蕉補綠天

泛月夜歸

輕舟風冷夜如何兩岸晴沙秋一蓑剩得剡溪歸

掉想蘆花雪亂月光多

落葉

秋林簌簌不因風容易飄零閑睡中詩夢昨宵千
匹錦散為霜葉滿庭紅

初冬

前圃迎冬景漸遷新霜幾日遍籬邊芭蕉憔悴猶
枯立恰是維摩病裡禪

小春觀楓

江楓添盡幾霜晨葉葉欺花十月春試飲浸枝紅

處水欲為繡口錦腸人

雪中嘲馬上妓

桃花馬上拂揚花踏破繽紛顏色誇一片春情千
點雪欲飄冷袖賣誰家

廢寺看花

六時鐘磬不曾聽禪閣欹斜花滿庭紅白叢中微
笑去春苔半蝕佛頭青

菜花限韻

菜畦只覺蝶衣香試向春風自摘黃借問神農垂

教日咬根曾否入青囊
風味何同桃李香
花光爛熳一堆黃
春深先卜秋成富
恰散金錢不括囊

春雨

未掃空濛去條風織
雨絲柳梳新沐髮
山鎖晚粧眉倦翼
窺簾燕睡香倒地
枝任佗春色重敲
寒竅殘碁

初夏邨居

千畦啼布穀
時序乍清和
雲綴秧針雨
風磨蒲劍

波耦耕春後計
含哺飽餘歌
學圃邨夫子
如何塵累多

霜葉紅於二月花

楓林春十月
霜添晒秋晴
風底新霞閃
梢頭殘日明
停車曾弄色
題葉更寄情
不借東皇力
胭脂勝衆英

歲暮小酌

藍尾三盃酒
窮陰不等閑
持螯談笑外
殘歲獻酬間
有雪侵衰鬢
逢春浮醉顏
少年真可羨
意氣歷

拾翠醉歸呼艇亦春遊

驟雨

一陣雨師驅旱奴雷車輾輾雲衢熱場乍作清涼國大地生靈僕君蘇

綠陰垂釣

渡頭新樹鷺邊磯濃綠重重水勢微釣侶投竿爭占地魚苗吹浪太般肥

秋日樓居

倚遍山樓已暮鐘風簾近葉影橫縱宿鴉猶逼燈

期噪升月一輪秋萬峯

聞新雁

誰知孤枕夢魂驚嘹唳依然復打更未認風前亂行影先聞月下度雲聲荻蘆花老傳霜信湖海波恬落水程社後有期今已訂來賓萬里寄秋情

放言

禍福回輪去復來來去去幾千回巧言誤跡人饒舌養拙全身擣不材甲子百年名利夢詩書數卷古今媒到頭徇俗還違俗無若消除面上埃

雪意

漠漠凍雲生不生松陰月暗過三更燈前判斷明朝雪板屋先承微霰聲

春日

春衫藍縷倩人縫驟暖就中添得慵昨夜池塘水已泮陰餘草色為誰濃收拾韶華開放窓三間短屋枕長江蘆芽未與春為地藍樣清流鷺一雙

柳眠花睡被鶯醒聲裡春深得寧馨老嬾亦抽情

緒立輕風吹暖掃窓櫺一縷茶烟午倦中曲肱消受落花風海棠睡足人饒睡春色欲隨閑夢空

湖天晚景

湖天日落暑逾微雪白鷺鷥掠晚磯淺水嫩蘆風細細輕舟一片載涼歸

吉祥精舍海望得池字

佛閣秋高晴色移海潮傳響岸松枝九萬鵬程雙眼裏扁舟如芥泛天池

孤寒荒園吟不冬晴雖好總荒叢
淒殺小園霜信風松菊猶存秋
準在一雙冷蝶掠牆東

新治暖室

幾費經營葺苟完南軒三畝笑他寒
宜冬先擇移梅地向暖重添
觀雪攔談裏曲肱忘性癩醉餘濡
首覺腸寬依然頗有盍簪約衣薄
應知容膝安

早春邱居

芳菲淺澹帶餘寒村景還看不等閑
白點破籬梅

蓋綻綠抽殘雪麥苗班春遊有約躬耕外
牧笛無情坐睡間終老計成田父樣
烟蓑霞笠舊柴關

春晚

曉光淡淡上窓紗蝶夢床邊暖漸加
起拭眼簾春意足一痕殘月滿園花

種花

自從鋤月種梅花野杏山桃取次加
蝶作前驅蜂作伍主張春意鬪穰華

漁邨晚眺

歸舟泛泛小於萍，蒼海渺茫潮拍汀。蟹舍鱸鄉籬
落外，魚兒晒網夕陽腥。

夜歸

沽酒歸來夜寂寥，疎鐘隱隱度涼霄。綠陰遮月迷
歧路，邛犬相迎吠野橋。

秋日山居

一群遊鹿卧籬根，斷續秋雲隔世喧。南面山低宜
看月，樵夫歸去已黃昏。

冬晴

釀雪凝雲到曉收，新晴畢竟可吟眸。頑奴報道有
奇事，四面童山皆白頭。

自適

豆花雨後授衣天，新製全成袂與綿。蟋蟀逼床寒
漸切，清秋滿幔節初前。寸園桐竹時無累，一榻琴
書舊有緣。不把酒詩誇世俗，任它被喚作狂顛。

雪夜煮茶

雪逐燈期猶送將，頗嫌寒夢設茶鐺。風流試掬鵝
毛煮，清致欲評鷹爪嘗。活火騰騰地暖輕，烟簇

簇簇邊香半甌泛綠窓通白夜坐更耽幽味長

逢友人話舊


四海弟兄追舊因輕風盃面德成鄰素心莫逆梅

花雪青眼相逢揚柳春管領遷鶯求友語留連歸

鴈訂期辰依然共有詩狂在草染池塘綠已勻



書東四函重山習白庭



鷓巢嬾稿刪卷之一

一節畢

